

Aningaasaqarnermut Ataatsimiititaliap aalajangiinera 18. juli 2008-imeersoq pillugu Naalakkersuisunut ilisimatitsineq & **Suliaq nr. 01.31.06/08-00348** (Naalakkersuisut ataatsimiinnerat 7. juli 2008, imm. 2b)

Ilinniartut inaannik iluarsaassinissamut atugassatut aningaasaliissutinik suliassat allat pilersaarusionerqarnissaannut atugassanngortitsinissaq

Naalakkersuisut **inassutigaat**,

kontomi pingaarnermi 80.00.00 Sanaartornermut atugassat agguanneqanngitsut, aningaasaliissutit **8.800.000** koruuninik ikilisinneqassasut

kontomi pingaarnermi 84.40.09 Inuussutissarsiutinut ilinniartitaaneq, aningaasaliissutit **4.300.000** koruuninik amerlineqassasut, suliassamut nr. 030.51.013 INUILI-p allineqarnissaa, Narsaq, 1.500.000 koruuninut aamma suliassamut nr. 190.51.012 Init ilinniartitsiviusut, Ittoqqortoormiit, 2.800.000 koruuninut agguarlugit

kontomi pingaarnermi 84.40.12 Ilinniartinnik sanaartorneq, suliassamut nr. 120.51.042 Perorsaasunngorniat Ilinniartinnik, Ilulissat, aningaasaliissutit 1.000.000 koruuninik amerlineqassasut.

kontomi pingaarnermi 84.40.15 Ilinniartut inaat, suliassamut nr. 996.52.041 Ilinniartut inaat, pilersaarusionerq, aningaasaliissutit 3.500.000 koruuninik amerlineqassasut

Aningaasaqarnermut Ataatsimiititaliap oqaaseqaatai

Qinnuteqaat tuaviortumik suliarinninnissamik qinnutiginninnermik ilaqartoq 8. juli tiguneqarpoq.

Aningaasaqarnermut Ataatsimiititaliap juli-p qaammataani immikkut ittumik ataatsimiinneq ajorpoq, taamaattumik aalajangiinermik suliart piffissami 26. juni-miit 5. august 2008 ilanngullugu suliarineqarnissaat naatsorsuutigineqarsinnaanngilaq. Tamanna Naalakkersuisunut nalunaarutigineqarnikuvoq ataatsimiititaliallu ataatsimiinnissamut ullorsiutaani aamma atuarneqarsinnaalluni, Inatsisartut nittartagaanni pissarsiarineqarsinnaasumi.

Taamaalillutik ataatsimiititaliap aasarnissaa sioqqullugu 25. juni naggataasumik nalinginnaasumik ataatsimiissimanera Naalakkersuisut ilisimavaat.

AIS09-mik suliaqarneq 21. juni Naalakkersuisut matuaat, ataatsimiititaliallu 25. juni ataatsimiinnissaa sioqqullugu qinnuteqaammik nassiussaqaarnissamut Naalakkersuisut sumit akornuserneqarsimanersut qinnuteqaammi atuarneqarsinnaanani.

2008-mi ataatsimiititaliap ataatsimiinnissai nalinginnaasut 25-it Aningaasaqarnermut Ataatsimiititaliamit pilersaarutigineqarput. Suliart naatsorsuutigineqarsimanngitsut nukingernartorujussuartullu isigineqartariaqartut ataatsimiititaliap immikkut ittumik ataatsimiigiaqquneqarnissaanik pisariaqartitsilersinnaammata ataatsimiititaliamit paasilluarneqarsinnaavoq. Ataatsimiinnissanulli pilersaarut nalunaarutigineqarsimasoq sapinngisamik Naalakkersuisunit ataqqineqassasoq ataatsimiititaliamit naatsorsuutigineqarpoq.

Aningaasaqarnermut Ataatsimiititaliap aalajangiinera

Naalakkersuisunit inassuteqaatit Aningaasaqarnermut Ataatsimiititaliamit **akuersissutigineqarput**

Inussiarnersumik inuulluaqqusillunga

Augusta Salling

Aningaasaqarnermut Ataatsimiititaliap siulittaasua